

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNI SUD U ZENICI  
Broj: 04 0 K 015217 23 K  
Zenica, 16.01.2024. godine

## U IME FEDERACIJE BOSNE I HERCEGOVINE

Kantonalni sud u Zenici u vijeću sastavljenom od sudija Bajramović-Softić Amele, kao predsjednika, te Kapić Albise i Popović Sanele kao članova vijeća, uz sudjelovanje zapisničara Pranjić Jasne, u krivičnom predmetu protiv optuženog S. Z., zbog krivičnog djela razbojništvo iz člana 289. stav 2. u vezi sa stavom 1. i u vezi sa članom 31. KZ F BiH, optužen po optužnici Kantonalnog tužilaštva/tužiteljstva Zeničko-dobojskog kantona Zenica, broj: T04 0 KT 0053102 23 od 11.08.2023. godine, a koja je potvrđena od strane sudije za prethodno saslušanje Kantonalnog suda u Zenici, odlukom broj:04 0 K 014656 23 Kps dana 11.08.2023. godine, nakon održanog usmenog i javnog glavnog pretresa završenog dana 16.01.2024. godine, u prisustvu kantonalnog tužitelja Andrea Božičković, optuženog S. Z.a i njegovog branitelja Tomaš Slavena, advokata iz Zenice, donio je dana 16.01.2024. godine, u prisustvu, optuženog kantonalnog tužitelja, optuženog S. Z.a i njegovog branitelja javno objavio sljedeću:

### P R E S U D U

#### **Optuženi:**

**S. Z.** sin A. i majke E. rođene K., rođen ... godine u Z., nastanjen u ulici ..., pismen, sa završenom SSS, po zanimanju električar telekomunikacija, nezaposlen, neoženjen, bez djece, vojsku nije služio, ne vodi se u vojnoj evidenciji, po narodnosti ..., državljanin ..., lošeg imovnog stanja, JMBG: ..., neosuđivan

#### **KRIV JE:**

Što je skupa sa još jednim licem

dana 23.05.2023. godine, na području grada Zenica, zajedno, s ciljem da sebi pribave protupravnu imovinsku korist, uz upotrebu oružja, gasnog pištolja cal. 9 mm, putničkim motornim vozilom marke „Alfa Romeo“ reg. oznaka ... dovezao se do mjesta Mošćanica, gdje su se prethodno u putničkom motornom vozilu marke „Dacia Daster“, dovezli H. M. i B. S., zaustavili vozilo, odakle je prvo izašao S. Z. i otišao do česme, pa kada je M. ušao u svoje vozilo, iz vozila marke „Alfa Romeo“ izašlo je i to drugo lice, te prišlo vozilu u kome je M. sjedio na mjestu vozača, otvorilo vrata suvozača i reklo M. da izađe iz vozila, držeći se sa obje ruke za vozilo, te nogom M. zadalo jedan udarac u predjelu desne ruke, dok je M. i dalje sjedio u vozilu, pa pištolj koji je držao u ruci okrenulo u pravcu M.ne glave i naredilo mu da izađe iz vozila, što je M. bojeći se za svoj život i uradio, kada mu je to lice pesnicom zadalo više udaraca u predjelu lica, grudnog koša i vrata, te ga je uhvatilo za vrat i reklo mu: „Ili se sam upucaj ili ću te ja upucati, za koga radiš, gdje ti je SIPA iskaznica?“, a zatim je preturalo po vozilu, da bi potom M. prišao S. Z. uhvatio ga za nadlakticu, odveo do stola, gdje mu se to drugo lice obratilo sa riječima: „Hoćeš sam da se ubiješ ili mi da te ubijemo?“, te gasni pištolj predao S. Z.u, koji je isti naslonio na M.no koljeno lijeve noge, gdje ga je držao par sekundi, nakon čega je ispalio jedan hitac pored M.ne noge i odmah pištolj vratio tom licu, da bi potom to lice ponovo M. zadalo jedan udarac pesnicom u predjelu lijeve strane lica, od kojeg udarca je ovaj pao na tlo, svjesni da upotrebom oružja i ozbiljnom prijetnjom da će napasti na život oduzimaju tuđu pokretninu, što su i htjeli, nakon čega je to drugo lice iz unutrašnjeg džepa M.nog sakoa izvadilo novčanik i iz istog oduzelo i prisvojilo jednu novčanicu u iznosu od 100,00 KM i oko 7,00 KM u kovanicama, te držeći i dalje pištolj u ruci, naredilo M. da sjedne u svoje vozilo i udalji se sa lica mjesta, što je ovaj i učinio, oštetiši na taj način H. M. za iznos od oko 107,00 KM,

dakle, uz upotrebu oružja, prijetnjom da će izravno napasti na život neke osobe oduzeo tuđu pokretninu, s ciljem da njenim prisvajanjem pribavi sebi protupravnu imovinsku korist,

čime je optuženi S. Z. počinio krivično djelo razbojništva iz odredbe člana 289. stav 2. u vezi sa stavom 1. i u vezi sa članom 31. KZ F BiH,

pa ga sud primjenom navedenih zakonskih propisa, te odredbi člana 42. 43., 49. 50. tačka b. i člana 51. stav 1. tačka b. KZ FBiH

## **OSUĐUJE**

### **NA KAZNU ZATVORA U TRAJANJU OD 1 (JEDNE) GODINE I 8 (OSAM) MJESECI.**

Na temelju odredbe člana 212. stav 3. ZKP FBiH oštećeni H. M. se sa imovinskopravnim zahtjevom upućuje na parnični postupak.

Na temelju odredbe člana 202. stav 4. ZKP FBiH optuženi S. Z. se oslobađa obaveze naknade troškova krivičnog postupka i isti padaju na teret sredstava suda.